

Edizione diplomatico- interpretativa

163r Al temps qen richartz era coms de peiteus. Anz quel fos reis. Bertrams deborn si era sos enemics. P(r)so qem bertrams uolia be(n) al rei ioue. Que guerreiava adoncs ab en richart quera sos fraire. En bertrams si auia fait iurar contran richart. lo bon uescomte de le-mogas. Que auia nom naemarz. El uescomte de uentedorn. El uescompte de gumel. El co(m)-te de peiragors. eson fraire. El comte dengolei me. esos dos fraires. El comte raimo(n) de tolosa. El comte de flandres. El comte de barsolona. En centoill de sarac un comte de gascoigna. En gaston de beam comte de bigora.El comte de digon. E tuich aquist sil abandoneron e feiron fatz ses lui .E ses p(er)iurero(n) uas lui. Enarmars lo uescons de le-mogas que plus lera tengutz d amor ede sagramen sil abandonet efetz patz ses lui. En richartz cant saup que tuich aquist lauion abandonat el sen uenc de nant autafort ablasoa-ost. Edis eiuret que iamais no sen partiria sil noill daua Autafort. Eno uenia ason comandamen. Bertrams quant auzi so uen richartz auia iurat esabia quel era abandonatz de totz aquestz que uos auetz ausit. Sil det lo chastel esiuenc ason comandame(n). El coms richartz	
163v lo recheup perdoali ebaisan lo. E sapchatz que per una cobla quel fetz el siruentes. lo quals comensa. Sil coms mes auinens enon auartz. Lo coms richartz li perdonet son brau talan. Erendet li son chastel Autafort. Euengren fui amic coral. Euai sen en Bertrams ecomensa agguerrear. naiemar lo uescomte q(ue)l auia desamparat. El comte de peiregors. Don Bertrams receup de grans dans. Et el alor fetz de grans mals. En richartz quant fon de ue(n)-gutz reis passet outramar. Enbertrams remas guerreian. Don bertrams fetz daquestas doas razos aquest siruentes. Ges eu nom desconort sieu ai perdut.	

- letto 189 volte

Source URL: <https://letteraturaeuropea.let.uniroma1.it/?q=laboratorio/edizione-diplomatico-interpretativa-2073>